



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL**

Komunikadu Imprensa

**Periodu : Setembru 2011
Edisaun : 22 Setembru 2011**

**JSMP realiza treinamentu ba jornalista Rádio Komunitade Rejiaun II
iha Distritu Covalima**

Durante lora rua nia lora husi lora 15 - 16 Fulan Setembru 2011, JSMP liu husi Unidade Peskizador Jurídiku hamutuk Unidade Relasaun Públiku realiza treinamentu ba jornalista sira husi Rádio Komunitades Rejiaun II iha Distritu Covalima. Membru rádio komunitade hirak ne'e kompostu husi Rádio Komunitade iha Distritu 4, hanesan Rádio Komunitade Tatamailau husi Distritu Ainaro, Rádio Komunitade Mau-Loko husi Sub-Distritu Maubisse, Rádio Komunitade Maliana husi Distritu Bobonaro, no Rádio Komunitade Cova Taroman husi Distritu Covalima.

Programa treinamentu refere hala'ó iha salaun Edifisiu Filiál JSMP (VSS) nian iha Distritu Covalima.

Treinamentu ne'e partisipa husi participantes hamutuk ema na'in 15, ne'ebé kompostu husi feto na'in 4 no mane na'in 11. Matéria treinamentu ne'e ho nia tópiku "Profesionalismu Journalista Harê Husi Aspeitu Legál, ne'ebé kompostu ho nia sub topiku iha kapitlu sira. Kapitlu primeiru ko'alia konabá âmbito média en-gerál ne'ebé inklui: *Definisaun Média; no Funsau Média*. Iha kapitlu Segunda ko'alia konabá Journalista ne'ebé inklui : *Definisaun Journalismu, Journalista no Funsau Journalista*. Iha kapitlu ikus (III) ko'alia liu aspeitu ka baze legál hanesan: *Protesaun ba profesau ba Journalista* ne'ebé inklui Konstituisaun da RDTL artigu 41, Konvensaun Internasionál (ICCPR) artigu 19, Lei Indonézia Nú 40/99, no Kódigu Konduta Journalista. Kapitlu ne'e mós subliña konabá "Sansaun" ne'ebé kobre artigu balu husi Lei Indonézia Nú 40/99, artigu sira husi Kódigu Penál.

Diretór Ezekutivu JSMP, Luis de Oliveira Sampaio *haktuir katak treinamentu ba jornalista ne'ebé konsentra iha Distritu Covalima hanesan kontinuasaun husi treinamentu ne'ebé hala'o ona iha fulan Jullu tinan 2011 iha Distritu Baucau ho objetivu atu hametin diak liu tan koñesimentu jornalista sira iha aspeitu legál liu-liu konabá Lei Kódigu Penal, Kódigu Konduta Journalista no Lei Indonézia Nú.40/99*

hanesan referensia. Lei hirak ne'e defini konabá sansaun no protesaun ba direitu jornalista sira relasiona ho sira nia knaar no papél jurnalismu nian.

JSMP konsiente katak papél jornalista nian importante tebes iha prosesu konsensializasaun informasaun públiku, edukasaun sivika no transformasaun sosiál. JSMP mós hanoin katak durante ne'e JSMP hetan kolaborasaun no benifisiu mutuál entre JSMP no jornalista sira. Tanbá ne'e, JSMP sente orgullu hodi sai equipa no servisu iha espíritu kolektivu atu hari'i no promove justisa ba ema hotu.

JSMP rekoñese katak mesmu ho limitasaun oi-oin, durante ne'e jornalista sira halo ona papél importante iha aspetu oinsá atu hatutan lian ba públiku. Tanbá ne'e, JSMP hanoin katak importante teb-tebes atu apoiu jornalista sira nia koñesementu atu fasilita no enkoraza sira servisu ho profesionál no sai hanesan instrumentu atu haburas demokrasia iha Timór Leste, liu husi sira nia publikasaun ne'ebé loos, imparsiál no la inklina ba grupu ka entidades balun.

Iha parte seluk Representante Administradór Distritu Covalima, Sr. Agostinho Gusmão iha ninian diskursu hateten katak, treinamentu jornalista ne'e importante tebes, tanbá liu husi treinamentu ne'e bele aumenta jornalista sira nia kapasidade atu oinsá bele fahe ho hato'o informasaun ba públiku ho qualidade ne'ebé diak no informasaun sira ne'ebé hato'o iha duni faktus ka evidénsia no iha realidade, imparsiál, no justu.

Antes atu konklui ninia diskursu ba oportunidade ne'e nia hato'o agradesimentu wa'in ba equipa JSMP ne'ebé hakarak fahe sira nia matenek no esperiénsia ruma liu husi treinamentu ba jornalista sira ne'ebé mai husi Distritu haat. Liu tan nia mós husu atu JSMP bele kontinua hala'o atividade ne'ebé hanesan iha futuru tanbá nia rekoñese katak treinamentu ne'e importante tebes hodi ajuda jornalista nia servisu bele diak liu tan.

Programa treinamentu ne'e realiza tanba hetan apoiu finanseiru husi doadores Justice Support Facility.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Email; Luis@jsmp.minihub.org

Landline; 3323883/7295795